

〔清〕鄭梅澗 撰

重樓玉鑰

中國醫學大成續集

重樓玉鑰提要

清·鄭梅潤撰。鄭氏名宏綱，字紀元，號梅潤，歙縣人。首述喉證總論。大抵以風之爲患好攻上。而致痰者，三十六證。內關咽喉爲第一。次列諸風秘論。辨面色論。壞症須知。不治之症。白喉忌藥。喉風諸方。走馬牙疳證治各方。未附雜方。先生發明風勝濕。火就燥。燥虛火，而非實火也。燥以潤之。列白纏喉。用養陰清肺湯。洞天仙師白喉忌表訣微。師其法也。

出版說明

近代中醫學家，江南名醫曹炳章（一八七七—一九五六），字赤電，浙江四明人。醫名鼎盛，謙遜好學，診餘廣集醫書，名聞海內。自語「常蓄醫藥革命之決心」，為振興中醫，奔走呼號，不遺餘力。平生著述甚豐，僅撰述和評校之書，即達三十餘種（不包括《中國醫學大成》），實踐了一條「從臨床中來，而歸宿于著作」的醫學家之路。

正因為曹氏具有豐富的臨證經驗，又有廣博的學識，三十年代，上海大東書局（為上海科學技術出版社前身之一）特聘其主纂當時被譽為醫學淵府之《中國醫學大成》，實為國內中醫界一大盛事。

《中國醫學大成》分十三類，凡三百六十五種：醫經十五種，藥物十九種，診斷十六種，方劑十九種，通治六十種，外感病四十三種，內科二十七種，外科五十二種，婦科二十四種，兒科三十三種，鍼灸十六種，醫案十六種，醫論、醫話、醫史二十五種。因其搜羅至廣，版本選擇至精而稱譽醫壇。《中國醫學大辭典》主編謝利恆氏贊此書「吾道精華，咸集于此」；醫史學家宋大仁稱：「茲書一旦問世，人人皆有獲讀秘籍之機會，必不似從前為少數人私有物矣。不僅有沾溉學人之益，且維我國數千年醫學文獻于不墜也。」浙江中醫學院徐榮齋教授在紀念曹炳章先生誕生一百周年的專文中，歸納此書對中醫之發展具備八大價值：一、保存和流通古籍；二、有系統可循；三、打破保守；四、公開禁方；五、統一中醫學術；六、奠定習醫之參考書；七、造就中醫高深人才；八、便利圖書館之採貯。

中醫藥學歷數千年變化而長盛不衰，雖受西洋醫學之衝擊，又生存于現代科學技術突飛猛進之今日，但至今猶屹立于世界醫學之林，並且益受到各國人士歡迎，此不可不謂人類文明史上的一大奇跡。中醫藥學之發展，除因其獨特的理論體系和卓越之臨床療效外，亦賴于中醫文獻之流傳、保存、搜集、整理及刊行，才使其理論著述、臨床經驗、臨床資料、珍貴典籍得以存世，並不斷擴充完善。《中國醫學大成》之結集刊行，無疑大有益于振興中醫、發展中醫。

《中國醫學大成》雖因戰火蔓延，僅刊印一百三十六種而中止，且已刊行者，至今已散佚不全，但我社于前幾年重刊《中國醫學大成》之一百三十六種，結集成五十冊發行，震動了海內外，可見關心、支持、熱愛中醫藥事業者遍及亞洲，乃至世界。曹炳章先生未及刊行完成之《中國醫學大成》後續部分，被列入國家八五、九五重點出書項目，此亦可告慰于九泉之下的曹先生。

此次刊行之《中國醫學大成》續集，計一百一十八種，結集成四十九冊；大部分爲原刻本，部分爲木刻本。爲保持原書之風貌，一概未于原書上改字校注，遇錯訛、脫漏、缺字者，均于書後校注中另勘，以便爲讀者留出研究和斟酌之餘地。每種書後修有後記，介紹該書作者生平、簡歷、學術觀點，及是書版本概況、成書年代等，簡明扼要。

是書之校勘者和編輯，爲覓一原刻本，南下北上，不辭辛勞；爲一字之勘定，常殫精竭慮，如履薄冰。如此歷數載以成，奉獻于讀者，期能集有志者完成先輩未竟之事業，光大我中醫于世界。

原敘

古人有言。左手據天下之圖。右手刎其喉。愚夫不爲。何則。天下雖大。未若吾身之可貴也。故天下有心性之書。人心之所以死生存亡者也。有醫藥之書。人身之所以死生存亡者也。故六經四子而下。莫貴於醫藥之書。夫神農致辨於上。藥中藥下。藥。周禮垂訓於五氣五色五聲。自古聖賢明哲之士。未有不留心於此者。今之所謂喉科。特大方中一事耳。然其生死決於數日。安危判於頃刻。關係最大。而世之業是科者。率學無根柢。不得真傳。株守寒涼。膠於偏見。有識者不許也。吾鄉鄭梅澗先生。性好岐黃家言。其先世得喉科秘授。故於此尤精。遠近無不知之。救危起死。不可勝數。余常見有垂斃者。先生刺其頸。出血如墨。豁然大愈。其妙如此。而未嘗受人絲粟之報。惟以利人爲急。殆亦范文正陸忠宣之意歟。先生祕惜此書。又恐人乘危邀利。故未嘗授人。余幸得閱一二。故喜而敘之。夫天下重器。尊生者。不以身易。而是書之澤利濟無窮。則其貴重宜何如也。

嘉慶乙亥春。余家居無事。日取醫書玩味。適友人過訪。出重樓玉鑰示曰。此書無刻本。子錄一帙存閱。因受而讀之。恍然有悟。後凡遇喉症。情未解鍼灸。僅按方投藥。無不神驗。鄉黨知有此書。時借抄寫。而流傳未廣。其中魯魚亥豕。指不勝屈。惟以意更訂一二。餘則闕如也。原序不系姓氏。謂作者爲鄭梅澗先生。亦不知何許人。然辨證施治。各具神妙。非懷濟世之婆心者。孰能與於斯。今年夏。吾津時疫流行。患喉症者極多。而治不得法。往往受害。余閒戶養病。未能遍告鄰里。私衷歉然。因與弟輩謀。將此書再錄稿本。寄至吳門。託孫君樸齋校訂。付之剞劂。則此後人人得所指南。患者卽不延醫而對證檢方。諒亦不致夭枉。余心庶稍慰矣。

道光十八年歲次戊戌仲秋上澣津門馮相葵識

人之一身百症皆可致危。獨咽喉之症尤危之危者。不
效委間斃可立俟。雖居近良醫之門。旋發旋治。猶若恨
曉。而林荒山僻之境。更可知已。余甚憫焉。余不知醫。而
遇古方之百試百效。爲人人所傳播者。手鈔成帙。或刊
附善書。或錄刷片紙以贈人。咽喉科一門流傳者。當不
下數十種。獨喉科經驗秘傳。爲程君瘦樵定本。業是科
者大半宗之。食謂外此罕有其匹者。一日黃君竹亭自
津門寓書於余。謂馮君石農丹崖昆季秘藏重樓玉鑰
一書。爲喉科指南。亟欲付梓。以公諸世。而近處渺良工
君客吳門久。當易物色。且君亦樂爲之。常若不及。竊欲
以此事浼君可乎。余聞之距躍三百。亟思觀是書。冀是
書之速成而廣行於世也。促其寄余。不兩月而書至。其
間或鍼或藥。諸法賅備。足以補經驗秘傳所不及。洵喉
科中之見所未見者。爰爲之選工開雕。傾校讎。以期無
負良友之委任。而副良友濟世之婆心也。竹亭向與余
同客燕臺。嗣而客吳閩。客由拳里。皆同几。現無間臭味。
蓋恂恂然篤行君子也。丹崖與余亦曾晤於京邸。樂善
不餽。見義必爲。常隱躍於眉宇間。其兄石農則余所願
見未能者。然聞其作令山右也。有能使聲有生佛頌。余
固久信之。且卽於與丹崖之同梓是書。而益信之也。書

成索序於余。余不知醫。又何敢論醫之書。然其書則固
百試百效。而當爲人人所傳播者也。余竊願醫竹而印
是書。使人人挾是書以防患於未然。微特林荒山僻之
境。不能入市問藥者。不啻家有一醫。卽居近醫者之門。
而既有此百試百效之書。亦較愈於踵其門而求試其
萬有一效之技矣。是卽石農諸君梓是書之意也夫。
道光十有九年歲次己亥花朝後一日桐鄉孫學詩謹
序於吳門之石泉古舍

重樓玉鑰卷上目錄

咽喉說

喉科總論

諸風秘論

陰勝論

辨面色論

瘰癧須知

論證

附藥咽喉不治症

喉風三十六症名目

秘訣

喉風諸方

證治湯頭

附治走馬牙疳

附錄梅洞論症一則

又論發白治法及所忌藥

附喉症禁忌

附暫受風寒喉痛

重樓玉鑰卷上

咽喉說

呼者因陽出。吸者隨陰入。呼吸之間。肺經主之。喉嚨以下言六腑爲手足之陰。咽門以下言六腑爲手足之陽。蓋諸臟屬陰。爲裏。諸腑屬陽。爲表。以臟者藏也。藏諸神流通也。腑者府庫。主出納水穀精粕。轉輸之謂也。自喉嚨以下六臟。喉應天氣。乃肺之系也。以肺屬金。乾爲天。乾金也。故天氣之造。其中空長。可以通氣息。但喉嚨與咽並行。其實兩異。而人多惑之。蓋喉嚨爲息道。咽中下水穀。其喉下接肺之氣。一云喉中三竅者。非。果喉中具三竅。則水穀與氣各從一竅而俱下。肺中肺下無竅。何由傳送水穀入于下焦。黃帝書云。肺爲諸臟之華蓋。藏真高之氣于肺經也。故清陽出上竅。濁陰出下竅。若世人不知此理。風寒暑濕燥火之六氣。喜怒憂思勞驚之七情。役冒非理。百病生焉。病癆既成。須尋所自。若喉痺乳蛾。喉風喉閉。喉癰。喉毒。熱毒等症。當刺者則刺不可亂醫。宜吐者則吐。不可妄治。須識其標本。辨其虛實。而攻導之。不失其法。臨症變通。功效立見。其虛自安。至于虛損勞傷。咳嗽喘痛者。此乃真陰虧竭。金水不能相生。而龍雷之火奔騰上灼。火炎則金傷。金傷。高源無

以蒸騰布濕。而咳血聲啞。咽痛乾緊之症作矣。吁。如症至此。不惟非法可治。且百無一生。可勝言哉。

喉科專論

夫咽喉者。生于脾胃之上。咽者嚥也。主通利水穀。爲胃之系。乃胃氣之通道也。長一尺六寸。重六兩。喉者空虛。主氣息出入呼吸。爲肺之系。乃肺氣之通道也。凡九節長一尺六寸。重十二兩。故咽喉雖並行。其實異用也。然人之一身。惟此最爲關要。一氣之流行。通于六臟六腑。呼吸之經。若臟腑充實。脾胃和平。則體安身泰。一有風邪熱毒。蘊積于內。搏在經絡。結於三焦。氣凝血滯。不得舒暢。故令咽喉諸症。癰腫而發。苟非見症隨治。則風痰愈盛。熱毒日深。漸至喉間緊閉。水洩不通。幾何而不殞命耶。大抵風之爲患。好攻上。而致疾者。三十六症。內陽咽喉爲第一。

諸風論

有人云。喉風無非熱症。便亂投涼劑。或誤用刀鍼。天枉人命者。眾矣。若識症真。先治而後調理。百發百中。有可吐者。有可下者。有可發散者。有可法可治者。苟若識症未真。切勿孟浪。如雙蛾。單蛾。重舌。木舌。重咽。雙懸喉。單懸喉。爆骨。攪牙。諸症。乃是惡症。善候則易治。雙松子。風

松子。雙燕口。單燕口。魚鰓。斗底。青中。落架。魚口。穿領。諸症。此是善候。惡疾則難治。合架。角架。栗房。瘰癧。掩頸。雙搭。類。單搭。口。內外。搜牙。乘枝。驢嘴。懸。魚。鰓。咽喉。牙癰。又候。邊頭痛。奪食。脫。子。諸風。此是善症。善候。但要症候。認真。隨輕重治之。不可誤投涼藥。若用鍼刀。俱要逐一對症。先用藥降定。然後下藥調理。如此等症。務須依方進藥。未可速於求安。則輕者一七。重者二七。自能取效。卽信心諸藥。仍須仔細詳察。不可輕忽。大凡用藥。自內攻出。爲上策。取痰攻上。爲中策。沉爲下策。癰重者。令去內熱。用藥取病歸上。獨定風熱。使其攻上不下。誠爲善治者。不如是。則病入胃脘。因傳于心肺中。輒變他症。是醫之罪也。切宜留心詳審。慎毋輕率焉。喉在後主食。喉在前主氣。十二經中。惟足太陽主表。別下項。餘經皆內循咽喉。盡得以病之。而統在君相二火。喉主天氣。屬肺金。其變動爲燥燥則壅而閉。咽主地氣。屬脾土。其變動爲溼。溼則腫而脹。皆火鬱上焦。致痰涎氣血結聚于咽喉。腫達于外。麻痺且痛而聚。是爲腫喉風。紅腫于兩旁兼閉塞。是爲喉痺。

陰陽論

經云。離從六腑生。疽從五臟出。皆陰陽相滯而成。氣爲

陽。血爲陰。血行脈中。氣行脈外。相並周流。榮澤搏之。則凝滯而行遲。爲不及。火熱搏之。則沸騰而行速。爲太過。氣鬱邪入血中。爲陽滯于陰。血鬱邪入氣中。爲陰滯于陽。致生諸症惡毒。然百病皆由此也。

凡頭痛不止者。屬外感。宜發散。乍痛乍止者。屬內傷。當補虛。又有偏頭痛者。非違風。左屬風與血虛。右屬痰熱與氣虛。

辨面色論

色青者。病屬肝。合散血。色黃者。病屬脾。宜消食。色赤者。病屬心。合散血。滑大色白者。病屬肺。宜順氣。色黑者。病屬腎。虛當滋補。以上所論五色。乃就諸風病症愈後而言。以識調理本經也。

壞症須知

喉內生風。莫待遲。胸中氣急。主傾危。更加心脇如刀割。妻子親朋定別離。大小便中添惡結。病人魂魄去如飛。此是醫家真妙訣。預將生死報君知。

病人眼直口開時。氣出無收。手散垂。若見此形。宜速退。休貪名利自孤疑。

翻唇魚口。深饑時。不日黃泉實可悲。此症亦名爲惡症。虛醫遇著也難醫。

論證

凡屬喉風之症。預先必作寒發熱。甚則大便秘結。小便
瀉赤。頭痛煩渴。時醫不識。妄以羌活藥味投之。不知羌
活乃散寒邪達肌發表之品。非喉科所宜用。故是書所
定紫正地黃散。專治一切諸風。無不神效。誠妙藥也。

附纂咽喉不治症

一凡虛陽上攻者。四肢厥冷。上下不升降。水火不既濟。
腰冷不知痛癢。口中痰多唇黑者。不治。
一凡手足冷者。聲音不響。喉中腫爛乾痛無痰涎者。不
治。

一凡婦人產前。咽喉腫痛。及心頭疼而脈浮者。不治。
一面赤而目睛上視者。不治。
一面色青白。眼目無神。咽喉音啞。唇白鼻扇者。不治。
一面黑。頭自汗而鼻寒者。不治。
一心胸緊滿。吐痰不出者。勿治。
一氣喘促。四肢厥冷。勿治。
一心中忙忡。胸前紅甚。舌捲。面赤浮腫。目斜視者。不治。
一潮熱往來。時發時隱。不治。
一胸滿脹急。不治。
以上皆屬咽喉中險症。凡患喉風。遇有現此等症者。

宜詳察早回。以免後咎。醫者慎諸。

廣風三十六症名目

斗底風	又喉風	咽瘡風	魚鰓風	雙松子
單松子	帝中風	雙鵝風	單鵝風	雙燕口
單燕口	重鵝風	木舌風	重舌風	坐舌連
合架風	角架風	燥搜牙	牙癰風	惡痰風
奪食風	魚口風	雙嘴風	魚鰓風	雙搭頰
單搭頰	落架風	栗房風	癰瘰風	穿額風
肥株子	掩頭風	雙極風	單極風	邊頭風
乘枕風				

斗底風

欲識人間斗底風。十分紅腫在心胸。更加痰壅咽喉內。
鍼藥無功命必終。

此症初起吞嚥不下。但胸前紅腫漸至結喉。一時難安。
初起能嚥水者。可治。先用角藥加摩風膏少許。冷井水
調噴。取痰。次開風路。鍼。所謂開風路者。若喉風是
便之外。三吹冰硼散。四用紫地湯。如病勢緊急。湯水不
能下。遍身作痛。氣喘眠臥不得。循屋下行。胸前赤腫。凡
吐痰涎後。仍不退者。百無一治。每初起胸前便現青筋。
須用破皮鍼。即鍼也。鍼青筋邊。立效。

樞扶氏曰。是症宜用雄黃解毒丸服之。吹赤磨散。

又喉風

久喉之症最爲難。遇了三時命不長。病者能依方法治。管教依舊進茶湯。

男子婦人喉內生此疾者。極爲急症。先咽喉作緊。風痰上湧。多有綿涎。內緊外浮腫。不能飲食。漸至咽喉緊閉。如又久住。甚則頭面浮大。其患最速。宜急治之。若一二日不知治者。多致殞命。先用冰硼散開竅。次用風路錢。三用摩風膏少許。和角藥調膏。取喉內痰涎。並用角藥敷頸外浮腫處。服紫正散加開關散。如病勢已極。不能開關者。不治。

咽瘡風

按此症既速。凡初起當用赤磨散吹之。其效更捷。

咽喉此症不爲良。黃蠟成瘡作禍殃。依法頻施無效處。必然長夢入黃梁。初起生咽喉間。或紅黃色如粟形者。日久滿喉成瘡。及滿口生者。漸變紫黑。不能吞嚥。先用角藥。次開風路錢。服紫地散。以冰硼散吹之。即效。惟風熱實症。可治。若內傷咳嗽吐血後而發此症者。切不可用此等藥。致枉人命也。

樞扶氏曰。按咽瘡一症。雖曰真陰虧竭。相火薰灼上升。咽喉發爲咽瘡。最爲虛損惡症。然其間虛實陰陽。亦當分別治之。凡屬實症。由于風熱者。必須發熱惡寒。瘡色紅黃。右脈浮數有力。因病人平昔過食煎炙。積積于胸。今又新受風邪。感觸而發。治宜以喉科諸藥投之。自然獲效。若虛症。形色白而乾燥不潤。內熱口渴。飲食微少。疼。惟嚥津液其痛更甚。此由真陰已虧。虛損所致。然內傷有二種。一屬氣虧爲陽虛。一屬血虧爲陰虛。陽虛者。兩寸浮數。遇勞益甚。而行動則氣喘。此脾肺氣虛。弱及腎水。須培補中土。庶無差誤。今時醫不識。以清涼利痰之劑治之。遂致喉間變生咽瘡。頓成不治之症。若陰虛者。兩尺洪數。重按無力。現于外者。內熱咳嗽吐血。鼻血。或飲食日減。此肝腎陰虛。不能蓄養龍雷真火。蓋陰虛則火旺。火旺則水竭。水竭則腎元枯涸。腎元枯涸則相火奔騰而浮上。斯喉痺咽瘡。痰結煩燥聲啞之症作矣。俗曰火燒電門是也。其時若以六味補水。真水不能驟生。以生脈保肺。而久炎之肺。又非參麥能療。以八味降火。而咽喉之地。難受桂附之性。以滋腎丸互治水。而水火不能既濟。惟急用甘露飲治之。使水火各安其位。得以濟其源而安其流。能導龍歸海。使五行自有相

生之巢。然後再按脈察色。分別治之。或入味六味或歸脾養榮諸方佐之。自然獲奏神效。稱為靈丹。然患者亦當早治。勿待病入膏肓。雖有神丹。亦無濟也。

魚鱗風

喉間忽爾患魚鱗。多少醫家不識真。此症若求痊愈易。只須鍼藥貴于頻。

此症生在帝中之下。與松子風相似。但微腫處起白點。日久白點變成鱗。其鱗向下者是。用冰礪散。赤麝散。開風路鍼。服紫地湯。以角藥加摩風膏調噴。不可用刀。此症極險。難治。治與雙松子同。初起未成鱗。易治。若已成鱗。則飲食到喉俱作嘔惡。乃屬不治。或內傷咳嗽而發。斯症者。萬無一治。○如大便秘結不通。湯中須加犀角木通元明粉。以角藥冰礪散赤麝散。相間吹噴。勿斷。用鵝毛多挑角藥入帝中旁。含少頃。再較取痰涎吐出。自然獲效。



雙松子風

松子風生喉膈中。逐時脹大起鱗紅。莫言此症多遺脫。隨即療施亦見功。

此症生靠帝中下邊。初起兩邊紅紫如粟形大。逐時脹腫起鱗向上者是。漸長如菜豆大。似松子一樣。甚至黃皮裹住。及有蓮子大者。斯難治矣。先開風路鍼。服紫地湯。加銀領匙開關散。用角藥加摩風膏調噴。吹冰礪散。治與魚鱗風同。二三日若轉紅為黃。就怕起鱗。須以角藥頻噴。勿賴。依法治之。亦不可用刀。此症與魚鱗風皆屬險症。勿得輕視也。

單松子風

單名松子一邊生。左屬心。右肺金。鍼藥交施依法治。自然奇效立消平。

此症生在帝中下。一邊腫者是。或生左。或生右。亦不可用刀。治法與雙松子同。惟生左者。湯中倍加丹皮赤芍。右者倍用桔梗連翹。

帝中風

時人忽患帝中風。角藥頻噴自見功。若遇庸工無識輩。鍼刀誤用命隨終。

初起紅腫作痛。生痰不能飲食。日久漸長大出來。甚有長出寸許。爛膿爛去半截。或帝中全行爛去者。雖一時難治。仍為無害。只依法治之。亦見奇效。若初起先以角藥取痰。開風路鍼。吹冰礪散。服紫地湯。不可用刀。如日

久帝中黑爛者。同生丹不宜用。當以眞功丹去牙稍吹之。或口疳散聖功丹皆可互用。至於水劑。又當以紫地加減出入投治。不可執拘呆方也。

雙驚風

乳驚紅腫在喉間。病者求痊亦不難。角藥頻施兼服劑。自然取效莫愁煩。

凡咽喉紅腫似癰毒兩枚而生在兩邊者。是爲雙驚。切勿誤用刀。先以厚風膏少許入角藥并水調噴。又以驚鎖挑入喉間癰毒上令病人閉目嚙良久。俟滿口痰來吐出。再吹赤麻散服紫地湯。自然立效。如日久癰毒未平。仍似蓮子樣。須用消蘆散加巴豆七箇去壳。煎患處如煎破後只可用呂雪丹。

楊扶氏曰。喉間諸症惟患雙單驚甚多。症候雖輕。易治。却難迷於平消。邇來庸醫不煩。欲求速效。每妄用鍼刀。反致在人命者。亦復不少。今附奏而訂之。俾後世治者。庶不致有誤者生耳。蓋此症由肺經積熱。受風邪凝結。感時而發。致生咽喉之病。狀如蠶蛾。亦有形若粟者。紅腫疼痛。不能吞嚥。然形有雙有單。雙者輕。單者重。凡初起。先用三棱鍼刺少商少冲。留三呼吸。入一分。吹赤麻散。以角藥調噴。仍服前藥。緩緩取效。凡鍼法以男左

女右。若要速效。以捷妙丹吹入鼻中即消。然初起神效。若日久者。不外消蘆散。

單驚風

左畔虛陽熱上攻。乳蛾單重喉旁煩。關前易治療。須急關後生。今施不同。

此症生在帝中。即蓮子樣。左屬心。右屬肺。治法與雙喉同。亦不可。

楊扶氏曰。此症有虛實風熱氣鬱之別。凡生于帝中兩邊者是。雙單喉屬關前實症。爲易治。若起于咽喉內者。名喉癰。屬關後氣鬱虛症。却難治。時醫不識。概以驚症治之。安能獲效。然喉癰由肝肺二經鬱熱。更兼多語損氣性燥兩成。形如圓眼。紅絲相裹。或雙或單。生于喉內之旁。亦有頂大蒂小者。初起喉間微痛。不惡寒發熱。日久形色帶白而微硬。不犯不痛。或因醇酒炙燂。或因怒氣喊叫。犯之則痛。切忌用鍼刀。吹以消癰。碧玉散。宜服加味逍遙散。益氣清金湯。或用夏枯草同鬱金煎湯代茶服之。日久自然消退。若體虛。因憂鬱不舒而發是疾者。宜用歸脾湯。加柴胡丹皮山梔。至于出入加減之法。又當辨而明之可也。

雙燕口風

燕口生在帝中旁。欲嘗飲食不能。燒刀善施無差誤。功效旋收亦不難。

此症生在帝中兩邊。靠于上腭。左右俱有。皆紅腫不能吞嚥。甚至腫出舌上來。連舌亦痛。用刀之法。宜靠腫處將刀輕輕刺破。切不可深。若上腭中間及燕口形上。切勿將刀誤用。先以角藥收痰。次開風路。鍼吹同生丹。服紫地湯。

樞扶氏曰。此症初起。只須吹赤磨散。勝用角藥。鍼刀多矣。內仍服紫地湯。加開關散。火甚。量加石膏。此余屢經收效者也。

單燕口風

單名燕口。一邊生。治法同前。不用更。慎使鍼刀毋誤。及赤磨吹上立奇功。

是症或生左。或生右。亦有腫上舌來。不能飲食者。甚則將帝中擠往一邊了。治法與雙燕口同。

重腭風

口內生來上腭浮。心脾有熱。積成愁。倘然七竅流膿血。從過虛醫未必瘳。

此症生在上腭。靠帝中之上位。紅腫不能吞嚥。症雖重。却可治。以角藥調喻。內消為貴。如不得消。直腫到牙牀。

邊者。可用破皮刀輕切出血。若上腭中間乃七孔相連之處。萬勿誤用刀。宜吹冰礪散。服紫地湯。開風路。鍼吹口耳鼻中。有一處出膿血者。即是病延日久。熱毒蘊蓄。以致腐穿七竅。此誠不治之症。

樞扶氏曰。重腭者。皆由心脾二經積熱而成。倘病日久。前藥治之不效。宜用紫雪散治之。服黃連解毒湯。即效。

木舌風

口中舌表層兼紅。熱積心脾。發是風。丹散頻投。依法治。管教立刻見奇功。

初起舌頭紅腫。不能轉動。漸至飲食不能。迎送言語不便。可用破皮刀於舌下弦兩邊無筋處刺之。刺上不可死。先用角藥加摩風膏少許。吹冰礪散。服紫地湯。自效。

重舌風

重舌風。今亦不詳。或生左右或中央。專家有訣。通元妙。善使鍼刀割不妨。

凡舌下又生一舌。漸比正舌尤長。以致正舌不能轉動。用角藥取痰。吹冰礪散。服紫地湯。可用破皮刀。須按舌有邊下弦先破一邊。如不效。再破一邊。

樞扶氏曰。此症無論大人小兒。皆由心脾蘊熱。循經上冲舌本。遂令舌下血脉脹起。如小舌狀。故名重舌。用刀

之法。先將角藥加摩風膏噴久吐出。再將腫患刺破。師吹同生丹。或紫雪散並獲效。

生舌蓮花風

舌生蓮花六七尖。心家風火搏相炎。莫將斯症尋常看。日久纏綿最可嫌。

舌下浮腫多痰涎。初生一二瓣。漸至五六瓣。形似蓮花。凡兩邊尖瓣者。可用刀。若中間一瓣尖者。切不可用刀。若人舌下中間俱有一筋直連上下。乃心之苗。所以切不可用刀者。恐誤傷筋。則枉人命匪淺也。先用角藥調敷舌下取痰涎。再將冰硼散挑上。服紫地散。重加連翹。症甚者。外用氣鍼自然取效。

梔扶氏曰。蓮花證乃蘊熱乘風而發于心。舌本屬心。又爲心之苗。心火上炎。或思慮太過。或酒後當風受寒。以致風痰相搏。而成是症也。

合架風

合架風生齒盡頭。牙關緊閉。病難休。若還不識鍼刀法。患者如何得便瘳。

此症生在上下牙牀兩根頭勾合之處。起一紅核。腫痛牙關緊閉。不能開口。先用角藥調噴。次用破皮刀切紅腫處。吹冰硼散。赤磨散。可用消蘆散熏之。

角架風

風名角架。不爲癰。腫痛須知藥可加。味却箇中真妙訣。任他肘後秘方誇。

是症生上下牙牀盡處。根上浮處。以致開口不便。兩齒難合。咀嚼難難。初起生在一邊。或延生兩邊者。治法同合架風。可用破皮刀切腫處。即效。

爆骨搜牙風

爆骨搜牙疾勢驟。聲聲痛楚費推攷。金鍼已度依方法。功效隨收心莫焦。

牙匡之上。延齒紅腫。骨中極痛。不可忍。名爲爆骨搜牙。若遍牙牀上紅腫。或在外牙牀腫者。或在內牙牀紅腫。口內作燒生痰。名搜牙風。若有齒紅腫者。恐成果房風症。部位雖分內外。法宜同治。先用角藥調噴。吹冰硼散。服紫地散。次以鍼挑牙縫中有紅紫血管者。即要挑斷出血。若爆骨搜牙。每齒腫處俱要用破皮鍼。挑出血。即效。如症在牙牀內者。必須腫起牙上。方可用刀。

牙癰風

牙匠生癰是牙癰。上下生兮總共同。但用破皮鍼出血。更加角藥有奇功。

凡牙匠生癰毒。或滿匡紅腫。或一處紅腫。先用冰硼散。

以角藥調噴服紫地湯。凡牙癰搜牙兩症。以牙牀高低界爲辨。在牙牀上高處爲搜牙。在牙牀下低處爲牙癰。此症亦有內外生者。皆可用破皮鍼鍼去膿血自效。樞扶氏曰。此症由陽明胃熱毒所致。初起身發寒熱。腮頰浮腫紅痛者。當以前法治之。若初起往往有誤認牙疼等症。過服寒涼清火之劑。以致堅腫色淡。自破流黃水。日久爛至牙根。及延爛咽喉。名曰骨槽風。又名附骨。一名穿珠。法當用二陳湯加陽和丸煎服。或陽和湯消之。倘遇潰者。以陽和湯厚黃丸。每日早晚輪服。倘有多骨。以推車散吹入。隔一夜其骨不痛。自行剝出。須俟骨尖退出。搽則內動。方可漸次取下。再吹。次日無骨退出。卽以生肌散吹入。內服保元湯。加肉桂歸身。茂草宜生。自然獲效收功。而愈矣。

凡骨槽風者。初起牙骨及腮內疼痛。不腫不紅。性腫連臉骨者。是骨槽風也。然齒疳不一。有齒齲者。是蟲蝕齒至斷。由胃經聚風火凝聚而成。齒根腫痛腐爛。時出膿血臭汁也。有齒齲者。亦以陽明人風熱之邪。搏齒斷氣血腐爛爲膿血臭汁。謂之齒齲。指亦云風齲。有齒齲者。由骨弱氣不能榮感。故令齒齲。謂之歷齒。皆由陽明之所致。而治法各異。俱詳注續集焉。

懸痼風

牙牀浮腫。懸痼底。外症能療內症危。爛及咽間妨飲食。蓬萊妙藥亦難施。

凡牙匡下浮腫爲外懸痼。起生牙根內爲裏懸痼。紅腫如蟬。漸次而長。先用角藥調噴。吹水爛散。服紫地湯。初起可用破皮鍼。日久不宜鍼。刺紅腫處出血。效若凡外懸痼。屬善症。易治。生于內屬惡症。却難治。稍醫差遲。卽能傷人。若白爛延至咽喉。及落盡面頰肉者。不治。

奪食風

奪食風。卽奪食風。噎食還將奪食名。舌根喉腭陡然成。休驚是疾無方法。善使鍼刀泡立平。

此症或因飲食火物。觸動脾胃積熱。致陡起斯症。或在喉頭上腭。及舌根左右生一血泡。或數小泡。卽變大脹滿。不能吞嚥。氣息不能出入。急以竹鍼挑破。啗出紫血。卽吹赤散。或同生丹。其泡若起喉內。不能用鍼刀挑破。只須氣鍼。鍼百會前項後頂三穴。內泡自平。

魚口風

魚口生來一片浮。心家有熱夜啞嗽。上冲痰氣醫當急。莫待深沈始怨尤。

凡上唇生小瘡。或一二枚者。初起紅腫。漸至下唇亦腫。

及面頰俱浮。若初起紅赤發熱作癢。癢後起小黃泡。切勿用破皮鍼。如生在上唇中間者難治。若上唇赤腫直長出者。名龍唇發。可鍼兩鼻角。又一症。上唇生小白紅瘡。乾燥。常欲以舌舐唇上。亦不可鍼。又一症。唇上直痛入骨。連頰俱痛。不可忍。可鍼鼻角。又一症。不浮腫。只口眼喎斜。轉過一邊。名轉喎風。此症宜鍼合谷。頰車二穴。以上諸症。先以角藥調敷。吹呂雪丹。服紫地湯加犀角。大凡唇皮生瘡。初起者不可以鍼。妄挑破。若誤鍼之。身必潮熱。滿身骨節疼痛。不治。如用鍼刀。必須依法律。切勿妄任。已意施為。至要至要。

鹽嘴風

鹽嘴風生在下唇。近時腫大不堪論。更加作痛。如刀刺。敷藥頻施。效自神。

初起下唇生一紅瘡。逐時腫大。漸至下唇長出。用消蘆散。煎紫地湯。吹冰硼散。可用破皮鍼。鍼破即效。鍼法須認兩旁腫處鍼之。

魚腮風

魚腮疾。染在腮頰。腫痛難當。只自知。傳訣與君依法治。免教遲慢勢難支。

是症生在酒版邊。兩腮浮赤紅腫。為雙魚腮。一邊紅腫。

者。為單魚腮。治法以角藥調敷。或用消蘆散。煎紫地湯。吹冰硼散。如逐日紅腫極盛。方可用破皮鍼。鍼出血。仍以角藥外敷。倘症日久。腮穿出膿者。須內服蠟丸。外敷生肌散。

雙搭頰風

風名搭頰兩邊浮。赤腫難當。筋似抽。若遇此風。非易治。值時敷刺。莫移辦。

初起面頰兩邊紅腫發熱。惡寒。須看口內牙上有腫無腫。如牙匡腫者。不是搭頰。乃是牙風。即以牙風法治之。若屬搭頰。先用角藥外敷。服紫地湯。重加連翹。桔梗。牛蒡子。如腫仍不消。宜用破皮鍼出血。不可鍼挑。渠外仍不離敷藥。加摩風膏少許。

單搭頰風

一邊紅赤頰名單。證治如雙。毋用桑。日久腫浮。牙亦腫。外敷角藥。內噴丹。

面頰一邊浮赤腫痛。或日久致牙匡亦腫痛。須以角藥外敷。內噴。吹回生丹。服紫地湯。

落架風

落架風。今信不良。總因血氣暗中傳。搭勾台上方無事。不合匡時費酌量。